



Barnaamujka hodheelka- iyo dalxiiska

SOMALISKA

Barnaamujka hodheelka- iyo dalxiiska waa barnaamuj xirfadeed oo lagu qaadanaayo shahaado xirfadeed.

Barnaamujka hodheelka- iyo dalxiiska wuxuu ku habboonyahay qofkii rabo in uu ka shaqeeyo dalxiis, hodheel- iyo hawlaha kulamada.

Shaqada waxaad bilaabi kartaa toos marka aad waxbarashada dhameysid ama waxaad aadi kartaa jaamacadda xirfadaha, oo waxbarashadaada ku sii wada kartaa. Waxaa kale aad doorankartaa in aad koorsooyin dheeraad ah akhrisatid si aad jaamacadda u aadid.

LABO JIHO OO KALA DUWAN

Hodheel iyo kulan

- Waxaad wax ka baran doontaa hodheelka qeybahiisa kala duwan iyo hawlaha kulamada. Waxaad baraneysaa adeegidda, soo dhaweynta iyo sida la isku dubbarido, qorsheeyo iyo gudagalo kulamo iyo munaasabad. Jihadu waxa ay ku siineysaa fursad aad uga shaqeysid shaqo oo tusale ahaan ah soo dhaweynta, ballan qoridda, shir ama kulan iyo adeegidda dabaqyada.

Dalxiis iyo safaro

- Waxaad wax ka baran doontaa warbixinta dalxiiska, ururka iyo qorsheynta safarada, meherada iyo xusuusta, meelaha loo safro iyo jidadka lagu safro iyo sidoo kale waxaad baran doontaa sida adeegidda iyo soo dhaweynta. Jihadu waxa ay ku siineysaa fursad aad uga shaqeysid shaqo oo tusaale ahaan ah meherada iyo xusuusta, warbixinta dalxiiska, hoggaanimada iyo ballan qoridda iyo iibista.

Waxaan baad barnaamujka ku baran doontaa

Waxaad wax ka baran doontaa adeegidda iyo soo dhaweynta, isgaadhsiinta, suuq-geynta, iibista, shirkadeynta, luuqadaha, meelaha loo safro iyo jidadka lagu safro. Sidoo kale waxaad wax ka baran doontaa qorsheynta, urur iyo dhaqaale, dadka baahidooda, dhaqanada iyo rajada laga qabo adeega iyo horumar jogto ah xagga dalxiiska.

Barnaamujka waxaa miisaanka la saarayaa su'aalaha ku saabsan deegaanka shaqada si looga hortago dhaawacyada shaqada iyo si loo dhiso caafimaad fiican.

Sidaan buu barnaamijku u diyaarsanyahay

Barnaamijka xirfadeed maadooyinka dugsiga sare oo wadajirka loo leeyahay waa: ingiriis, taariikh, ciyaaraha- iyo caafimaadka, xisaabta, cilmiga sayniska, cilmiga diiniga, cilmiga barashada mujtamaca, iswiidhishka ama iswiidhishka oo luuqadda labaad ah. barnaamijka xirfadeed waxaad akhrisan doontaa maadooyin

xirfadeed oo badan, oo loo yaqaano maadooyinka sifooyinka, iyo maadooyinka aad ku soo dhigatay dugsiga aasaasiga ah oo yaraaday.

Maadooyinka sifooyinka wadajirka loo leeyahay ee barnaamijka waa: ingiriis, qandaraasnimo, hodheel, kulan iyo munaasabad, adeegid iyo soo dhaweyn iyo dalxiis.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Iskoolka ka wareyso maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

Habka shaqada

Barnaamujka bari doontaa awoodaada aad qaabileysid dadka iyo horumarinta xiriirka xirfadeed aad la leedahay martida iyo macmiisha. Waxaad baran doonta raadinta, baadhista saxda ah sameynta iyo qiimeynta warbixin, iyo sidoo kale mas'uul qaadinta iyo wax-qabashada qiimeyn kaddib.

waad ka wada hadleysaa oo ka fikireysaa waxa aad baratay iyo waxaad isu diyaarin doontaa waxbarasho dambe oo xagga nolosha shaqada ah.

Shaqada dugsiga sare

Dhamaadka barnaamujka hodheelka- iyo dalxiiska waxaad suubineysaa shaqada dugsiga sare oo waxaad ku suubineysaa goobta xirfadeed aad dooratay. Markaas waxaad muujineysaa in aad heshay cilmiga loo baahanyahay si loo bilaabo in lagu shaqeysto waxa aad baratay.

Shaqo gacmeed

Qeybab waxbarashada ka mid ah waxaa la dhigan doonaa ugu yaraan 15 isbuuc waxaana lagu dhiganan doonaa hal goob oo shaqo ama goobab badan oo shaqo, waxaana la dhahaa tababarka shaqada (apl). Waana qeyb muhiim ah oo ka mid ah waxbarashada. Apl wuxuu ku siinayaa waayo aragnimo iyo xidhiidhyo oo aad ka faa'iideysan kartid marka aad shaqo raadsaneysid.

Waxbarashada tababartaha

Barnaamujka dhexdiisa waxaa jirto fursad lagu doorto waxbarasho tababarte oo dugsiga sare ah. Taas micnaheedu waa in aad helaysid isku cilmi laakiin ugu yaraan waxbarashadaada barkeed waxaad ku suubineysaa hal meel ama meelo badan oo goob shaqo ah.

Arrin in lagu fikiro u baahan

Haddii aad rabtid u qalmida jaamacadda waxaa muhiim ah in aad qorsheysatid daraasooyinkaada Doorashada gaarka ah dhexdeeda waxaad dooran kartaa in aad akhrisatid koorsooyinka loo baahanyahay si loo helo u qalmidda jaamacadda oo aasaasi ah. Kuwaasi waa koorso oo iswiidhish ah ama iswiidhish oo luuqadda labaad. Waa ay ficantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadid.

Markasta waxaad xaqq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso bilic ah.